

奉天通志卷二百五十一

藝文二十九 文徵

文徵二十三 外編 詩

姜希輒

浙江會稽人明崇禎壬午順天舉人奉天府府丞

浴金湯溫泉

首山山下水涓涓煖氣翻騰珠露圓日護輕寒溫室樹雲飛廣漠

華清泉畫欄時遶靈川色碧瓦平浮玉井烟披滌塵襟清客況春

風已覺沐恩偏

康熙盛京通志三十二

壽苗焦冥

并序

焦冥昌平州人州有軍都山漢盧植高隱處焦冥以諸生

避世為方外士居三官廟老而讀書不輟

奉天通志

卷二百五十一

藝文二十九 文徵二十三 外編 詩 清四

漢庭高隱在軍都子幹流風未有殊汗漫黃冠遊帝里編摩青簡

重吾儒心存虛室恆知白手穩驪龍欲探珠坐臥松風忘甲子月

明鶴唳響笙竽

乾隆元年通志

苗君稷

景祐宮道士

秋日望昭陵 三首

攬轡秋風聽野歌雄圖開闢太宗多遙知王氣歸遼海不戰中原

自倒戈

五雲西向接幽燕八月秋光麗遠天豐鎬三登深雨露車書萬國

靜烽烟

龍蟠翠嶂鬱岩嶢路夾蒼松白玉橋十二羽林嚴侍衛風嘶鐵馬

白雲霄

康熙盛京通志三十二

陳廷敬

山西澤州人順治戊戌進士

命祭告北鎮

使星十道出王城獨奉函書到上京大漠北來沙磧盡神山東望
海雲生鶯花舊日朝陵路楊柳春光出塞情曾是翠華游歷處臨
軒故遣侍臣行

乾隆十二年盛京通志以下同

出山海關

二首

大漠孤城海氣生關門漏盡野鷄鳴邊鴻欲度低殘月曉角翻爲
出塞聲

角山關下角聲殘口外桃林柳色寒客路長城今日盡平沙萬里
更漫漫

首山

奉天通志

卷二百五十一

藝文二十九 文徵二十三 外編 詩 清四 二

塞外山益奇圖經無其名土荒昧勝蹟問之傷我情首山名頗佳
三峰何崢嶸上有古時戍下有今時城南山如龍臥北山如象行
中裂忽如鑿漠漠春水生匡寺面怪石角立森從橫林岨繡苔蘚
丹碧含精英山川既盤鬱風氣亦高閎太息炊烟稀沃野無人耕
醫巫閭山登覽

我尋桃花洞花源寒蕊遲縹緲呂公巖遺迹不可追古松千年物
下有無字碑斃慘積鐵色石苔銅綠滋雕斲慨秦漢混濛思黃義
靈風生兩腋扶轂凌危鼓羽節儼前導雲旗紛後隨神人展歆肝
賜我金莖芝服之身力健延年以樂嬉

次錦州

世祖龍興日旌旗向此行風雲隨尺土旄鉞壯孤城萬歲還思沛

先朝久厭兵山靈盤重鎮應悉使臣情

覺華島

昔聞滄海東南外今見丹梯咫尺間孤島拍浮萬里水夕陽縹緲
三神山蜃樓雲霧連空幻貝闕蛟龍礙往還最訝根蟠無厚地忘
情不覺在人寰

廣寧齋居使院遙望北鎮十二韻

碣石三韓外扶桑萬國東幽營分地險青冀接天崇華蓋垂垂秀
芙蓉片片工六重紛拏抱定位屹當中平冕疑羣帝桓圭儼上公
生成思擘畫巧絕嘆鴻濛望秩存虞典隨刊省禹功晚霞舒疊浪
斜照貫晴虹滄海縈金帶恆山配闕宮神光終古在嶽祀至今同
芝檢傳王命瑤函啓薄躬齋心塵壑外始擬躡蒼穹

奉天通志

卷二百五十一

藝文二十九 文徵二十三
外編 詩 清四 三

李天馥

字容齋合肥人順治戊戌進士戶部
侍郎官至武英殿大學士諡文定

送陳午亭宮詹祭告醫巫閭

聖朝修曠典親遣日華東玉檢分中禁瑤函禮上公僣騶端尹貴

山海大都雄暫假黃麾仗精虔奉竹宮

雪橋詩話

佟夸岱

字桐軒
尚書

大凌河

大凌河上水猶自起悲聲曾以三千衆來摧百萬兵

明洪承疇統
十三帥兵統

於此破地指揮欽聖略駕馭盡羣英吾祖擒明將奇勳一箭成

瀋陽

鬱葱城郭信佳哉尙見當年王業開絕塞屏藩皆北向二陵山水
自東來餘荒作泚猶堪畝卽社爲倉可備災海上魚鹽邊上牧經

營須仗濟時才以上乾隆十二年

廖騰燿福建舉人奉天府康熙己酉

恭謁福陵

貞元五百期乾坤啓眞主祥開遼海東龍蟠與鳳舞聖人肇不基
智勇邁千古勦業垂我皇聖德溯神祖拯民塗炭中功德超三五
用人與行政釐然綱目舉以此順天人萬方歸版宇小臣譾劣材
奉命尹茲土朔望叩崇陵靈爽恍如觀海嶽映階墀日星輝廓廡
鬱鬱氣佳哉卜年難具數

恭謁昭陵

太祖眞神武文皇聖繼之聖神欽作述二陵遙相依石馬臨青巘
龍樓拱翠微駕祁還軼妣史册勳華垂五雲在天表拜舞肅朝儀

奉天通志 卷二百五十一 藝文二十九 文徵二十三 外編 詩 清四 四

以上乾隆元年
盛京通志

恭紀御製北鎮廟碑文鐫成

危峰天際鬱嵯峨長白遙分淑氣多勢壯東京齊岱嶽光聯北極
帶遼河明禋禮舉神爲格翰墨香浮帝作歌虞典封山今再見蛟
龍長護此巖阿乾隆元年
盛京通志

湯右曾字西厓浙上奉天府承熙戊辰進士

前衛

上下經重岡溪風亦多厲我行困登涉日暮前屯衛女牆被秋草
廢壘今易世關東歲屢稔外戶夜不閉物情貴所無價賤米狼戾
輪蹄交道路入關未迢遰來逢車連連賣穀供王稅時當三農隙
市通百貨滯差幸關內民蝗餘獲少濟我聞海絕島鯨鯢未盡殫

時出犯風濤無地可樹藝餘糧括海舶間亦施小惠賈往三倍收
法令不能制官司爲耳目上下久蒙蔽寄語橫海軍首須祛此弊
海口出粟禁豈但東南際民愚無所知國有萬年計

醫巫閭山

虞封十二山醫巫閭鎮幽一重復一掩秀色橫九州元化始煦嫗
神功繼雕鏤巨靈右踏足斷鼇左昂頭百里盡東鶩天際穿雲蚪
一一青蓮花萬年拳不留其下作巨鎮祠廟歲增修內府出金錢
寶翰蟠銀鈎焜耀萬萬古豐碑樹崇邱秩禮視三公圭幣薦百羞
五風而十雨有禱神必酬登望義州北邊陲昔虔劉長劍斬封豕
壯士脫兜鍪於今隸王官婦子樂鋤耰時載十圍木出市與布裘
夫犁弔舊營懷古風颼颼移屯耿校尉無慮益其喉萬帳請受降

奉天通志

卷二百五十一

藝文二十九 文徵二十三
外編 詩 清四

五

兵氣如連牛餘威震東部怒矢貢挹婁前臨望海堂指顧發一漚
閻浮百億界小水笑瀛洲昔者東丹王校獵來清秋忽慕吳太伯
舉帆越之罟隨身千卷書美人同綵舟丹青入畫圖祕府多藏收
洛城血坡陀歸魂招得不猶聞影殿在歲久不可求前年地忽坼
遺蹤出山陬朱門森陰沈髣髴垂前旒牧豎不敢入風雨聲啾啾
昨者楊縣尹始掩土一抔我欲鐫之石大書立道周驅車涼風節
青巖寺名雲木稠上尋瀑布泉下訪潛龍湫夙與禽慶期願拉盧敖
游行當見白鹿夾我巖前轉人生知幾何悠悠復悠悠遙從五岳
外高視滄溟流

穀賤行

江南得米如得珠關東下飲雞與豬我馬在櫪市束芻積橐纍纍

子粒俱問之市人笑盧胡家有遺穗無逋租酤酒賽神神降巫村
場擊鼓連臂呼女有衣裳男袴襦樂哉此樂無歲無今夏小旱豆
莢皇枯皇閭井憂妻孥幸天出雨困乃蘇豐樂慎勿忘饑劬大瓮
小甌粟謹儲今年要備明年須君不見堯湯水旱古來有勸農合
在循良守

馬廠行

遼水東西一千里泉甘草豐地莫比休誇黃澤接黃池不數白沙
如白水年年國馬一萬匹圉人牽來內廄裏三千歲字額有常騏
驎好兒天驥子馬官減豆馬不肥天寒瘦骨猶權奇空聞非子主
汗涓遠念太僕領幽岐後來坊監法一變顧視逸足無新羈熙寧
保社散諸路元豐茶馬爲一司憶昨河邊通互市商賈班班車罕
奉天通志 卷二百五十一 藝文二十九 文徵二十三
外編 詩 清四 六
至聖王方哀漁奪私羣公且言賈權利自從使者罷河西邊人老
幼歡扶攜如今龍種生東海不用崑崙八馬蹄

中秋寧遠道中

雲帆杭稻存遺島 謂華 野戍烽烟斷古城出塞始知山遠大入秋
彌覺海澄清樓臺何處蛟龍氣風雨空中草木聲誰遣琵琶弄明
月醉餘添得放歌行

十三山頂

拔地忽起十三峰峰峰突兀如排空多年石花封白黑終古壁色
填青紅捫蘿得路到巔頂大漠清秋散光炯烟螺一點浮空虛雲
氣已接醫巫閭

望覺華桃花二島

我循山行若弓勢脫手彈丸兩黑子鯨牙撐突波濤翻鼇背坡陀
島嶼起龍宮浩劫不可問碑兀海雲何處是海島中有龍宮聞道殘

僧餘兩三買薪時復來城市以上乾隆十二年

呂履恆河南新安人康熙甲戌進士奉天府丞

祖越寺至羅漢洞山頂有觀

空山寂無聲鐘磬自生響宛轉松石間忽來雲鳥上筋骨未遑安

耳目已豁朗巖腹正中穿出入隨俯仰混沌誰開鑿玲瓏非意想

仰視縹緲峰天表撐一掌其上有飛觀安能度袤廣自非餐霞人

邈然不可往乾隆元年盛京通志

方式濟字沃園江南桐城人康熙己丑進士中書舍人著有龍沙紀略

葉赫城威遠堡外

奉天通志 卷二百五十一藝文二十九 文徵二十三 外編 詩 清四 七

道旁立兩城殘堞冷朝兩傳言古王居兵車盛旄羽山上復山下

兄弟各分主其地界喉舌其官拜龍虎國家初開疆三載戒流杵

維時九部落力靡識真主雲從破堅墉長驅廓海宇殺王俘民人

規模益雄武苗裔仍軒裳境邑但垣堵過客流播傷不暇紀曩古

空城草木長狐狸自悲語史臣頌功勳滄桑漏應補雪橋詩話

取道錦州不由松山杏山

一路平沙指大荒等閒堞影曉相望昨宵雨過春城綠此去雲沈

戍壘黃相印北歸慚赤節將星東下惜紅狼飄零過客悲身世憐

恤何心認戰場

同年李琏惠銀魚鮮字廷玉 錦縣人

魚蝦何必數南江一夕鄉心借箸降掛漏髯坡瓊島集豈無雙美

佐春缸

至廣寧同年鐵五顯祖來迎

行行日已遠望望瀋陽城念子隔數驛羽翼何由輕隻鳥迎我來
問我所歷程昨朝風雨惡蹊路崎不平蹙蹙君馬蹄燎衣對孤檠
安居滿親暱困躓乖平生山月不照水焉知雲中情執手默無語
涕淚一再傾

晤鄂六

鄂禮字庵

使者星輶急征途兩度逢曉燈別山雨斜日巨流吞雙鳥去來意
三生離合蹤臨河直攜手汀草似愁濃

別山過蔚州三百里巨流河距奉天百里

盛京

一從遼水頌河清百雉千秋定鎬京王氣遠連鳩鵲觀天威直壓

奉天通志

卷二百五十一

藝文二十九 文徵二十三 外編 詩 清四 八

鳳凰城金魚第宅貂榜幄銅馬田疇鳥喚耕奕禩兩都聲一概護
陵休更說邊兵

鐵五送至蒲河賦別

勞骨不遑席脂車迫東馳晴日照大野去去從此辭相送蒲河陰
感激潛酸嘶戀景重須臾念當生別離我有數行淚欲墮還自持
死化桑下蠶為君吐衣絲生同比翼鳥夜夜長相思生死如浮雲
素交山不移

范河漁父

鷓鴣聲裏破絲網楊柳風邊獨木舟眼中征戍幾人返年少賣魚
今白頭

馬憐花

蝴蝶高低立翠烟
草香留待牧秋田
漢家苜蓿無人識
卻向車前喚馬憐

采萸蒿

故國汀洲色茸茸
樹淺沙短蓑青過雨
平野綠圍車泥迹
偃行鹿飢聲起亂鴉
齒香謹晚食忘卻在天涯

孤家子

名地

四面圍黃沙獨樹依孤廬
比隣問誰與朝夕樹上烏
暝雨急所止叩門烏驚呼
主人笑對客僕馬無一須
入門攜婦去破壁塵未除
昏燈忍飢坐盼盼清夜徂
幽築豈避世車馬當路隅
沙寒瘖不毛桑隴非耕畝
太平長兒女安識牆垣孤
自古離亂愁兵戈起通都

威遠堡關

過奉天二百三十五里

奉天通志

卷二百五十一

藝文二十九 文徵二十三 外編詩 清四 九

鎬豐憑鎖鑰無險亦名關
雞唱同嚴客鴻飛易度山
泥丸春柳密埃火夕陽閒
此外更荒漠蕭蕭征馬班

鎮北堡道中

故北關也出威遠堡二十里

北關遺壁草連空
烽火平原靜暮風
十里雨絲到山驛
棉花街口一燈紅

火石嶺

威遠堡北插柳條關爲界亦名柳條關

山接柳條關三日天光窄
厓巒束東路衣縉帶嵐色
曉發火石嶺揖與衆山別
遠黛有餘情低眉送行客

皇寺

金碧遼水隈雙刹光岌業
旅病春欲殘西郊散晴屨
雜花隱參差青松高匝匝
獸環貝屈鉤獅首珠戴額
獻籩鏤脂肪循龕展氍毹

欄前蠹碑文捫字細咀啞大書天命年頌述開剏業滅土七十二
乃奏遼城捷立寺表具瞻報佑及迦葉碑尾臣工名衆星緯相協
皇哉草昧初規模已宏立番僧眉列霜袒跌據高榻聞我關內來
叩事言喋喋答以聖人安兵戈久閑戢曆數豈佛功恟恍空門法
罌罌延午景雲暖鵲聲集出門坐樹下濃翠墮裾溼以上遼志略

郝林

直隸定州人康熙壬戌進士奉天府尹

甲午之奉天京兆尹途次感懷

幻身曾此落人間六十年來認舊山

先君以甲午誦奉天余摩頂生是年距今一甲子矣

憶常傳妙偈

先君慮余難育請於剏人為摩頂受偈於

垂髻痛已背慈顏余五齡失恃夢吞

文果空魁榜

先慈夢吞三文官後抑置二甲

識兆金牌果賜環余初

生有持欽取名曰欽後先君賜環竟如其識

其料帖瞻成恨久天

奉天通志

卷二百五十一

藝文二十九 文徵二十三 外編 詩 清四 十

南塞北兩潛潛

先親廿載謫龍城華表歸來鶴唳清此日嚴關尋舊戍卻銜新命
尹陪京題橋司馬心猶壯棒檄毛生淚欲傾獨幸銀岡遺址在重

開講院見牆羹

先君召還時留所居為銀岡書院載在府縣志

忝分符節撫留都霽色親承授睿謨法尙寬平綏舊俗治先禮教
化邊隅保釐責重慚前哲知遇恩深愧腐儒徧望雨膏皆赤子可
能隨處慰來蘇

豐沛曾聞歌大風興朝謨烈著遼東松亭古戍遺殘堞龍爪荒祠
舊掛弓地迴寒山留積雪天高明月響孤鴻行行注目雲深處報
國承家在此中

重脩銀岡書院落成拜祀恭紀

遷客承恩返柏臺空餘故宅冷莓苔嚴親氣作山河壯慈母魂依
子舍哀重整棖題成講院薄修蘋藻薦春醅荒階拜罷空垂淚風
木含悲首重回

龍沙廿載臥霜清天譴寧辭血淚迸長擬負薪成戍子何期持節
到邊城一身絕塞分甘苦終古荒山隔死生今日之坏何處獻天
空雲斷暮烟橫

兒時猶記侍庭除佔畢寒檠午夜餘壁列諸儒勤覲面先君手書
歷代聖賢
及諸儒姓氏於禮於堂名格物細繙書院有先君白題
致知格物之堂林間嚼雪聞淒

雁鋤下揮金種野蔬遺蹟久湮餘廟貌故人相見倍欷歔戴左諸
公子弟
皆昔年鄰居受業
者相與執手流涕

直節當年久著聲儒宗此日定鄉評藜光上映文昌宿邑人祀文
昌於書院

奉天通志 卷二百五十一 藝文二十九 文徵二十三
外編 詩 清四 十一

後野老爭傳侍御名教澤遠貽開後學講堂新葺聚羣英銀岡從
此留千古龍首山高柴水清鐵嶺
縣志

趙允昌 直隸滿城人康熙
西舉人開原知縣熙己

朝霞擁塔

遙望浮屠插碧空晴霞擁護倍玲瓏層層寶鏡朝含彩面面風鈴
曉映紅影射曦暉數里外光凝烟火萬家中傳言舍利深藏處猶

見禪師妙用洪開原
縣志

萬如濟 河南陳州人康熙
進士開原知縣熙己

金線河灣

金線河西出水關招提門外任回環春風好鳥啼深樹夏日遊人
醉淺灣萬縷垂絲青細細一條宗派碧潺潺時聞遊客歌堤畔檀

板輕敲釣渚間

王克家 山東臨淄人康熙癸酉舉人開原知縣

蓮渚春寒

橫塘千畝水清淪無限冰荷不染塵花對邊城炎亦冷渚臨牧野夏如春淡妝非為含香異素質偏宜解語真猶愛初秋寒露滴蓮房墜粉一何新

開原縣志

呂肯堂 字子建山人

讀黃太僕公殉難篇 黃廷柏汾州知府遼東海州衛人

我聞星嶽鍾間氣生人秉之得英銳殺身成仁自古難忠肝義膽照天地君不見張文昌守睢陽血戰四百誰能當又不見顏魯國罵賊舌凌凌氣奪李希烈我今披讀黃公傳懷懷如見顏張面公

奉天通志 卷二百五十一 藝文二十九文徵二十三十二

馳五馬遼海來汾州方賴仁風扇大同姜瓖本新降心屢反側舉

兵變賊黨突至圍汾城黃公氣憤經百戰內無宿飽兵外無螻蟻援羣醜勢方張驀駭東門陷張拳巷戰晝昏霾孤臣力竭身遭絆

痛罵殉城義素裕血灑英風死不仆卹贈太僕饒榮施勅立專祠金碧聖四篇家訓世德昭文孫開府牂牁駐天報丹忠不爽真爭

光日月廟貌新顏張鼎足垂千春 汾陽縣志

楊賓 浙江山陰人

次榆關

西風吹落木斜日滿羣山白板新官舍黃榆舊漢關前車行欲止我馬去仍還投宿知何處柴門一水間

出關

柳邊紀略同

誰道車書是一家關門依舊隔中華已看文字經重譯更裂軍繻
過五花草木蕭蕭歸野燒乾坤漠漠老荒沙庭闈直在黃龍北日
暮愁聽塞上笳

悽惶嶺

山海關前日色昏風塵況復暗乾坤不堪更上悽惶嶺雙袖橫流
血淚痕

姜女祠

悽悽望夫石上有姜女祠姜女伊何人廟貌永不移風霜透巾幘
冰雪老容姿乾坤歷萬劫血淚猶雙垂守險本在德長城亦何爲
一哭且莫當安能保邊陲今朝過其下驅馬獨遲遲歎息秦皇帝
不若一蛾眉

奉天通志

卷二百五十一

藝文二十九 文徵二十三
外編 詩 清四 十三

前衛

一片平沙裏荒荒百雉城市朝從此變衛所亦空名白草翻新屋
黃雲壓舊營邊庭今不戰無復鼓鞞聲

望海店

遼海出長城出關已了了望之欲無遺莫若茲山好積水遠何極
分流猶浩淼風翻白日低浪動乾坤小南疑析木偏東覺扶桑曉
蜃樓遇且難況識蓬萊島余本海濱人少小縱臨眺今日出邊庭
乃復行其杪一葦直可杭鞭石苦不早安得乘長風往復如飛鳥

杏山

昨日望滄海飄飄若神仙今日過杏山嘆息臨風前遼陽多險要
此更其喉咽同行一老輩爲我語便便太祖昔建國鐵騎來三千

掘壕困其外蹤迹猶依然百戰僅乃破流血增平川殺戮盡雞狗
誰能保一椽大刀既已沒好李名空傳不見長城壞萬里銷烽烟

小凌河

日暮風蕭蕭平沙水瀾瀾立馬飲長流鳧鷖驚欲起清徹鑒須眉
曲折遊魴鯉誰道若耶溪烟波勝於此

大凌河

小凌清且淺大凌莽滔滔與梁尙未成舟楫亦徒勞不若策駑馬
聊試涉波濤忠信吾所具執轡何哀號秋冬河正涸深不滿一篙
但得登彼岸四顧求其曹

十三山

遼西嶺萬里戴土皆平衍獨有十三山石骨開生面削疑斧鑿工

奉天通志

卷二百五十一

藝文二十九 文徵二十三
外編 詩 清四

十四

畫敵丹青善峰峰插煙霄縹緲窮萬變崩奔類馬馳離立如人戰
或利若金刀或直若羽箭雲氣倏有無日色遞隱見洞口失金牛
潭側鳴孤雁胡嶠記頗詳蔡珪詩亦羨予特過其旁一一爲數徧

渡遼河

出關數百里渡河日八九小者不知名大者此其右發原自東北
汨汨西南走清流可濯纓濁或泥數斗蕩溢起波濤觸石聲如吼
汎濫過平沙汪洋十餘畝聞道枸柳河水堅八月後今年天亦寒
所遇何獨否獨木一扁舟三人亦可受篙使橫索錢安能落吾手
淺瀨褰裳衣呀阮沒馬首登岸乃獨悲魚鼈幾爲友

老邊道中

老邊牆外草蕭蕭千里風煙合大遼保障人猶看舊制提封誰復

記前朝經過婦女多騎馬游戲兒童解射鵬自笑書生行未慣黃沙撲面已魂銷

次開原縣

風捲平沙薦草齊夫餘城上夕陽低葡萄酒禁誰能醉苜蓿場空馬自嘶郡縣未分威遠北人家多住塔山西明朝更出條邊口朔雪寒雲處處迷

出威遠堡門

黃沙漠漠暗乾坤威遠城頭欲斷魂蘆管一聲催過客柳條三尺認邊門亂山雪積人烟絕老樹風回虎豹蹲從此征鞍隨獵馬東行夜夜宿雲根

福璐

奉天通志

卷二百五十一

藝文二十九文徵二十三

外編詩清四十五

晚入輝山過蓮花泊夜登向陽寺

落日散殘紅拂面晚風爽衆鳥各飛還幽人偶獨往緣溪跨石橋莎岸平如掌迤邐過古城嵐氣漸沉碭樵逕屢降升怪樹或俯仰巖花綴露馨石髮經秋長迂迴絕澗遙婉變修林廣舉足方嶮嶽轉瞬忽康崑蘧廬暮靄封峭壁飛泉響悠揚梵唄清突兀軒楹敞探隴寧辭勞扶筇觀月上羣峰各斂雲劃天河漢朗指顧捫斗牛咳唾驚蜩蝻溟海託元氣磅礴供奇賞調調天籟發飄飄羽化想仙路知可尋揮手謝塵網

乾隆元年
盛京通志

覺羅吳拜

字昌言
左都御史

聽客話牛莊風俗因懷湖上某友率紀以詩

問訊牛莊近若何傳言有客臥烟波蒼松濤裏張琴坐白藕香中

載酒歌魚蟹不須錢買得稻梁還喜力耕多王孫祇爲歸休計豈學他人隱薜蘿

出邊門口占

纔出邊門眼界新遠無邨舍近無塵卻如高士雲林筆寫遍溪山

不寫人以上熙朝雅頌集

大成

過閭山

朱垣碧瓦構龍岡典繼重華史册光雲擁朱宮藏睿翰天開寶障奠遼疆千村烟樹登樓盡萬仞晴峰削劍長不爲文章思報國同

留十日住山房乾隆元年盛京通志

吳泰同

奉天通志 卷二百五十一 藝文二十九 文徵二十三 外編 詩 清四 十六

遼陽歸途曉發

渾水羣山望不孤迎眸淑景入歸途暖融春坼滄波潤曙淺烟城碧柳初北極風雲開帝闕二陵日月麗神都桑麻今樂雍熙世締

造當年盡睿圖乾隆元年盛京通志

何夢瑤字報之廣東南海人雍正庚戌進士遼陽知州

襄平雜詠

駐蹕山頭望即首麗山蹕於此當年萬馬迴白袍人已去阜帽客何來林木陰森合風烟颯沓開不須問城郭歸鶴亦生哀

遼城風味好白小即銀魚出冰天此物真堪飽香梨只浪傳買饌過

古刹澄麪瀘新泉不爲居無竹留家禁巒邊太子河銀塔寺麥芽香

及澄麪並遼陽美佳品豬肉亦賤而美

可惜公孫氏興亡指顧間頭方行萬里星已落前山先公孫夕淵星被殺

山綸賈殲何忍原寧去不還空餘荒堡月長照土花斑稱公孫州度牧

平州在今城西四十里有土堡

東望摩天嶺峰巒秀出羣陰崖多積雪幽壑半留雲星斗時堪摘

華夷此去分東去百餘里通關延貢使來往不教聞高麗貢使來往唯關白旗員

雪橋詩話

陳學海江南松江人

自千山至雙峰寺

寂寂雙峰寺門開石壁間花垂紅簾窻峰疊碧孱顏古木隨僧老

孤雲帶鶴還世塵不到處勝地得躋攀乾隆元十七年盛京通志

鄂爾泰字毅菴滿洲英殿大學士康熙已卯舉人

奉天通志 卷二百五十一 藝文二十九文徵二十三外編詩清四十七

恭和御製過廣寧望醫巫閭山恭依聖祖元韻乾隆癸亥

羣山皆拱北霄漢插芙蓉羽蓋摩天降旌麾耀彩重乍披青玉案

宛近紫雲峰依約巖垂瀑迢遙寺偃松仙真應望幸名蹟待登封

鎮亞三公禮幽崇萬壑宗吐吞作霖雨來往護飛龍侍從齊舒眼

靈奇想豁胸乾隆四十三年盛京通志

張廷玉字衡臣江南桐城人康熙文和進士官至保和殿大學士

恭和御製過廣寧望醫巫閭山恭依聖祖元韻乾隆癸亥

百里停金轡孤烟斂玉蓉林巒纒一面邱壑已千重迴憶臨滄海

懸知隔亂峰輕澌巖際瀑晴雪洞門松丹竈青泥熟金函碧蘚封

遠迷安羨迹長配岱恆宗未得隨千騎遙思駐六龍雲霞瞻睿藻

靈趣豁心胸乾隆四十三年盛京通志